





FILIPINO

WEEK 4

Katayuan kay Cristo



FILIPINO

WEEK 4

Katayuan kay Cristo

NOTES

This image shows a single sheet of white paper with horizontal ruling lines. The lines are evenly spaced and run across the width of the page. There are no margins, text, or other markings on the paper.

WARM-UP

- Ibahagi ang pinakamagandang bagay na nangyari sa iyo itong nagdaang linggo.
- Sino ang pinakagusto mong kasama? Bakit mo gusto na makasama siya?
- Ano ang isang tradisyon na iniingatan ninyo sa inyong pamilya? Sa palagay mo, paano ito nagsimula?

WORD

¹*Binuhay kayong muli kasama ni Cristo, kaya sikapin ninyong makamtan ang mga bagay na nasa langit kung saan naroon si Cristo na nakaupo sa kanan ng Diyos.* ²*Doon ninyo ituon ang isip ninyo, at hindi sa mga makamundong bagay.* ³*Sapagkat namatay na kayo sa dati ninyong buhay, at ang buhay ninyo ngayon ay nakatago sa Diyos kasama ni Cristo.* ⁴*Si Cristo ang buhay ninyo, at kapag dumating na ang panahon na nahayag na siya, mahahayag din kayo at makikibahagi sa kapangyarihan niya at karangalan.*

MGA TAGA-COLOSAS 3:1-4

Si Cristo ay namatay sa krus bilang kabayaran sa ating mga kasalanan. Nangangahulugan ito na napagtagumpayan Niya ang kasalanan nang siya ay nabuhay muli. Dahil sa Siya ay nagtagumpay sa kasalanan, tayo ay hindi na nito alipin, at tayo ay may bago nang katayuan kay Cristo. Sa araling ito, ating titignan ang tatlong katangian ng ating bagong katayuan kay Cristo.

1 Kay Cristo, may bago na tayong buhay.

Binuhay kayong muli kasama ni Cristo, kaya sikapin ninyong makamtan ang mga bagay na nasa langit kung saan naroon si Cristo na nakaupo sa kanan ng Diyos. **MGA TAGA-COLOSAS 3:1**

Ang ating makasalanang katangian ay namatay na sa krus kasama ni Cristo. Dahil sa tayo ay nabuhay mula sa kamatayan kasama Niya, binigyan na tayo ng bagong buhay na malaya na sa kasalanan. Ano sa palagay mo ang ibig sabihin ng pagkamit ng mga bagay na nasa langit? Bakit natin dapat naisin na makamit ang mga bagay na nasa langit sa halip na ang mga bagay na nandito sa lupa?

2 Kay Cristo, tayo ay panatag.

Sapagkat namatay na kayo sa dati ninyong buhay, at ang buhay ninyo ngayon ay nakatago sa Diyos kasama ni Cristo.

MGA TAGA-COLOSAS 3:3

Sa Mga Salmo 27:5, sinabi ni David na ginabayan siya ng Diyos sa mga oras ng kagipitan. Ito rin ang ibig sabihin ni Pablo nang sabihin niya na ang ating buhay ay nakatago sa Diyos kasama ni Cristo. Ang ating pagiging likas na makasalanan ay namatay sa krus kasama ni Cristo. Dahil dito, tayo ay tila nagsisimulang mamuhay nang may malinis na talaan. Ngayon na tayo ay nakipagkasundo na sa Diyos, maaari tayong maging matatag sa Kanya. Sa anong bahagi ng iyong buhay mo naranasan ang pagtago ng iyong sarili sa Diyos at pagkakaroon ng kasiguraduhan sa Kanya? Ano ang nangyari sa sitwasyong ito?

.....

.....

.....

3 Kay Cristo, tayo ay may pag-asa.

Si Cristo ang buhay ninyo, at kapag dumating na ang panahon na nahayag na siya, mahahayag din kayo at makikibahagi sa kapangyarihan niya at karangalan. **MGA TAGA-COLOSAS 3:4**

Ang ating bagong katayuan kay Cristo ay nangangahulugan na maaari nating ipamuhay ang bawat araw nang malaya sa kasalanan at matatag sa Kanya. Dahil napagbayaran na ang ating mga kasalanan, hindi na natin matatanggap ang parusang kamatayan. Tayo ay nagtitiwala na muling mabubuhay ng may karangalan sa muling pagpapakita ni Cristo. Ayon sa bersong ito, ano ang dapat nating abangan? Paano ito naiiba sa ating karaniwang pamumuhay?

.....

.....

.....

APPLICATION

- Nasimulan mo na ba ang mamuhay sa kalayaan, kasiguraduhan, at paraang puno ng pag-asa kay Cristo? Kung hindi pa, nais mo bang tanggapin ang bago mong katayuan kay Cristo ngayon?
- Paano maapektuhan ng bago mong katayuan kay Cristo ang paraan mo ng pamumuhay? Ano ang isang bagay na kailangan mong gawin sa ibang pamamaraan ngayong linggo?
- Sino sa mga kapamilya mo at kaibigan ang kailangang makarinig ng katotohanan ng ebanghelyo? Paano mo maipapakita sa kanila ang ginawa ng Diyos para sa iyo ngayong darating na linggo?

PRAYER

- Pasalamatang ang Diyos sa Kanyang sakripisyo para sa atin. Pasalamatang Siya sa kalayaan, katatagan, at pag-asa na mayroon tayo sa Kanya.
- Hingin sa Diyos na hayaang mabago ng ebanghelyo ang bawat bahagi ng iyong buhay. Itaas sa Kanya ang mga bahagi ng iyong buhay kung saan nahihirapan kang magbago.
- Ipanalangin na sa iyong katatagan kay Cristo, ikaw ay maging pagpapala sa ibang tao. Ipanalangin na magawa mong maibahagi ang ebanghelyo sa iyong pamilya at kaibigan nang may tapang at kasiyahan.



VICTORY

© 2016 by VICTORY®
Reserbado ang lahat ng karapatang pag-aari.

Lahat ng sipi ay mula sa ANG SALITA NG DIOS®
Karapatang Pag-aari © 2010 ng Biblica® Ginamit na may pahintulot
mula sa Biblica Publishing & Distribution Foundation, Inc.® Reserbado ang lahat ng pag-aari.
victory.org.ph